



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ  
ՎԱՐՉԱԿԱՆ ԱԿՏ N 1521492  
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ  
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

14 նոյեմբերի 2023թ.

ք. Երևան  
(կազմման վայրը)

**Ակտի հասցեայրեր**

**«ՀՈՎԱԶ ՔՈՆՍՏՐԱԲՇՆ» ՍՊԸ**

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

|   |   |   |   |   |   |   |   |
|---|---|---|---|---|---|---|---|
| 0 | 9 | 2 | 2 | 0 | 6 | 6 | 8 |
|---|---|---|---|---|---|---|---|

(հարկ վճարողի հաշվառման համարը՝ ՀՎՀՀ-ն)

**ՀՀ, ք. Երևան, Սվաճյան 38, 84 բն.**

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

**Խախտման նկարագրությունը**

ՀՀ ՊԵԿ ՀՕՀ վարչության պետի 24.10.2023թ. թիվ 1521492 որոշման համաձայն «ՀՈՎԱԶ ՔՈՆՍՏՐԱԲՇՆ» ՍՊԸ-ի (այսուհետ նաև՝ Ընկերություն) նկատմամբ իրականացվել են օպերատիվ - հետախուզական միջոցառումներ:

Իրականացված ՕՀՄ-ի շրջանակներում ՀՀ ՊԵԿ ՀՕՀ վարչության աշխատակիցների կողմից ժամը 11:20-ին հետազոտման է ենթարկվել Կոտայքի մարզ, ք. Եղվարդից դեպի Նոր-Գեղի գյուղի կենտրոնական փողոցի միջնամասում կայանած «ԶԻԼ» մակնիշի 36 ՍՏ 293 հաշվառման համարանիշներով բեռնատար ավտոմեքենան: Մեքենայի վարորդը ներկայացել է որպես Անդրանիկ Ղումաշյան, բանավոր և գրավոր հայտարարել, որ մեքենայի բեռնաթափքում առկա է 380 պարկ, 25 կգ. քաշով Սվաղ (Ցեմենտ-Ավագ), որը նույն օրը ժամը 10:00-ի սահմաններում բարձել է Արագածոտնի մարզ, գյուղ Սասունիկ 32-րդ փ.1-ին փ. 2 արտ. հասցեում գտնվող «ՀՈՎԱԶ ՔՈՆՍՏՐԱԲՇՆ» ՍՊԸ-ի շինանյութի արտադրամասից և տեղափոխում էր Կոտայքի մարզ, գյուղ Արամուսում գտնվող մանկապարտեզ:

Հետազոտման ընթացքում Ընկերության տնօրեն Էդգար Բաբայանը բանավոր հայտարարել է, որ բեռնատարում առկա Սվաղը (Ցեմենտ-Ավագ) բարձվել է Ընկերության արտադրամասից և տեղափոխվում էր Կոտայքի մարզ, գյուղ Արամուսում գտնվող մանկապարտեզ, շինարարական աշխատանքների համար, 1 պարկ սվաղի վաճառքի գինը կազմում է 1600 ՀՀ դրամ /ներառյալ ԱԱՀ/, ընդամենը 608 000 ՀՀ դրամ: Վերջինս հայտնել է

նաև, որ տեխնիկական խնդիրների պատճառով հնարավոր չի եղել դուրս գրել համապատասխան հաշվարկային փաստաթուղթը ժամանակին, սակայն համապատասխան հարկային հաշիվը դուրս է գրվել ուշացումով, նույն օրը ժամը 11:45-ին:

Իրերի և փաստաթղթերի հետազոտման ընթացքում պարզվել է, որ ՀՀ ՊԵԿ տեղեկատվական բազայում 25.10.2023թ. ժամը 11:20-ի դրությամբ առկա չէ էլեկտրոնային եղանակով դուրս գրված հաշվարկային փաստաթուղթ կամ հարկային հաշիվ վերը նշված գործարքի համար:

Ուստի՝ վերոգրյալ 608 000 ՀՀ դրամ արժեքով ապրանքների տեղափոխության համար Ընկերության կողմից դուրս չի գրվել համապատասխան հաշվարկային փաստաթուղթ:

Թիվ 1521492 արձանագրությամբ 27.10.2023թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 03.11.2023թ-ին նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ընկերության կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում Ընկերության կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 608 000 ՀՀ դրամ, որի 50 տոկոսը կազմում է 304 000 ՀՀ դրամ, ուստի օրենսդրական պահանջից ելնելով Ընկերության նկատմամբ կիրառելի է 500 000 ՀՀ դրամ գումարի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

### Որոշեցի

1. Հաշվարկել և «ՀՈՎԱԶ ՔՈՆՍՏՐԱԲՇՆ» ՍՊԸ -ին գանձման առաջադրել 500 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

|                                                                        | Վճարման<br>ենթակա գումար<br>(դրամ) | Վճարման<br>ուղղությունը | հաշվի համարը |
|------------------------------------------------------------------------|------------------------------------|-------------------------|--------------|
| Հարկային օրենսգրքի<br>410-րդ հոդվածով<br>սահմանված տուգանք<br>ընդամենը | 500 000                            | պետական բյուջե          | 900008000490 |

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երկու օրինակից:

**ԻՎ պետ Ա. Մնացականյան**

Վարչական ակտն ընդունող պաշտոնավար անձի  
պաշտոնը, անունը և ազգանունը

Կ.Տ.

**Ստացա ակտի մեկ օրինակը**



ընդամենը 3 էջ

**տնօրեն Էդգար Բաբայան**

Ֆիզիկական անձի անունը, ազգանունը  
(անհատ ձեռնարկապահի դեպքում՝ անհատ  
ձեռնարկապահ նշումով) իրավաբանական անձի գործադիր  
մարմնի ղեկավար (գրագրության ընդունման համար  
պարտախանապատ անձ՝ հալոսկ առաքման դեպքում)

ստորագրությունը

2023թ.

(նշում ակտը ստորագրելուց և (կամ) ստանալուց հրաժարվելու մասին)